

**EH Bildu talde politikoa  
Grupo político EH Bildu**

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

**MOZIOA ARRUNTA**

**OSASUN ALARMA DELA ETA DONOSTIAN DIREN ADINEKO  
PERTSONENTZAKO EGOITZEK GAUR EGUN DUTEN EGOERAZ**

EH Bildu udal taldearen bozeramaile Reyes Carrere Zabalak, Udalbatzaren Organo Araudiko 98. artikulua ematen dion babes aintzakotzat hartu eta MOZIO ARRUNT hau aurkeztu du, osasun alarma dela eta Donostian diren adineko pertsonentzako egoitzek gaur egun duten egoeraz.

**JUSTIFIKAZIOA**

Abuztuaren 19an agindu bat argitaratu zuen Osasun sailburuak, COVID-19ak eragindako osasun-krisialdiari aurre egiteko beharrezko prebentzio-neurriei buruzkoa, Normaltasun Berrirako Trantsiziorako Planaren 3. fasea gainditu eta gero. Agindu horretan, egoitzetako zentro soziosanitarioei (adinekoen egoitzak eta ezgaitasuna duten pertsonen egoitzak) buruzko neurri hauek jasotzen dira:

*4.3.5.– Egoitza-izaerako zentro soziosanitarioetako (adinekoen eta desgaitasuna duten pertsonen egoitzetako) ospitaleratze berri guztiei PCR probak egingo zaizkie, gehienez ere 72 ordu lehenago. Era berean, baimenetatik eta oportetatik itzultzen diren langileei eta sartzen diren langile berriei ere proba hori egingo zaie. Halaber, aldizka PCR probak egingo zaizkie egoiliarrekin harreman zuzena duten zentro soziosanitarioetako langileei.*

*4.3.6.– Prebentzio-neurriak zorrotz bete daitezzen, egoiliar bakoitzeko bisitari bakar bat izan daiteke gehienez ere, eta bisita horrek egunean gehienez ordubete iraungo du. Egoiliarrei egiten zaizkien bisitak egunean zehar mailakatuta izango direla bermatuko da. Neurri horiek salbuetsi egin daitezke bizitzaren amaierako prozesuan dauden pertsonen kasuan.*

*4.3.7.– Zentro soziosanitarioetako egoiliarren irteerak ahalik eta gehien mugatuko dira.*

Handik egun batzuetara, abuztuaren 27an, “Adineko pertsonentzako egoitzen funtzionamenduari buruzko jarraibidea” argitaratu zuen Gipuzkoako Foru Aldundiak, Donostian diren egoitzentzat, eta han jartzen duena da:

*a) Abuztuaren 28tik irailaren 7ra Aldakoenea eta Nuestra Señora de la Paz zentroetan bizi diren adinekoek ez dute egoitzaren esparrutik kanpora ateratzerik izango.*

*b) Abuztuaren 28tik irailaren 7ra, Donostian diren adineko pertsonentzako egoitzetako erabiltzaileak esparrutik kanpora ateratzeko modua izango dute baldintza hauek betetzen badituzte: paseoak terapeutikoak izatea, 45 minutu baino motxagoak eta gehienez ere 2 pertsonak lagunduta.*

Araudi horiek gorabehera, ELA eta ESK sindikatuek salatu duten bezala, ez dira PCR probak egiten ari oportetatik itzuli eta berriz ere lanean hasten diren langileei, eta zentro bakoitza bere irizpideak hartzen ari da egoiliarren irteerak egin daitezkeen edo ez erabakitzeko.

## **EH Bildu talde politikoa** **Grupo político EH Bildu**

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

Ez dago argi, orobat, zergatik murrizten diren irteerak hiriko zentro batzuetan eta beste batzuetan ez, eta zer irizpide epidemiologikoren arabera egiten den hori (auzoaren edo inguruaren egoera, langileen positibo kopurua, egoiliarren positibo kopurua...). Izan ere, Donostiako egoitzetako kutsadurei buruzko azkeneko datuak ez datoz bat egoiliarren irteerak debekatzea erabaki den egoitzetakoekin. Irizpide eta koordinazio falta horrek ezinegona eta ulertezintasuna eragiten die bai hirian diren egoitzetako erabiltzaileei eta senideei bai eta langileei berei ere.

Horiek horrela, hauxe da EH Bilduren udal taldeak dakarren

### **MOZIOA ARRUNTA**

1. Donostiako Udalbatzak Gipuzkoako Foru Aldundiari eskatzen dio, abuztuaren 27an argitaratutako jarraibidea dela eta, protokolo bat egiteko lehenbailehen Donostiako egoitza-zentro soziosanitarioetarako, eta protokolo horretan zehazteko PCR probak nola eta noiz egingo diren (abuztuaren 19ko aginduaren irizpide nagusiari jarraiki), zer pausu eman behar den langile edo egoiliarren batek positibo emanez gero, zer irizpide epidemiologikoren arabera murriztuko diren irteerak, nola kudeatu behar diren “irteera terapeutikoak” esaten dietenak, zer den zuzeneko harremana positibo emanez gero, edota nola kudeatu egoiliarrak beste zerbitzu sanitario batzuetara bidaltzea eta, orobat, bakartze neurriak.

2. *Donostiako Udalbatzak Gipuzkoako Foru Aldundiari eskatzen dio kontingentzia-planak egiteko Donostian diren egoitza guztietarako, 2020ko ekainaren 9ko 21/2020 Errege Lege Dekretuaren 10. artikulua arabera derrigorra baita plan horiek izatea.*

Donostia, 2020ko irailaren 4a

Reyes Carrere Zabala,  
**EH Bildu udal taldearen bozeramailea.**